


NOKKUR ORÐ UM VEFNAÐ

- Ragnheiður Björk Þórssdóttir, textílhönnuður

Spuni og vefnaður ganga eins og rauður þráður í gegnum goðsagnir og goðsöguleg minni um allan heim og tengjast gjarnan töfrum, launhelgum, lífsins þræði og örlögum. Vefnaður heitir á latínu texera en þaðan er enska orðið text eða texti upprunnið. Hjá Forn-Egyptum er gyðjan Neith verndari vefjarins og hún var einnig vefari. Meðal Forn-Grikkja var Aþena gyðja vefnaðar og Penelópa, kona Ódysseus, var einnig vefari. Ein frægasta goðsagan af Áþenu og vefnaðarfærni hennar er sagan af henni og Arakne (Arachne) sem var kona úr mannheimi. Arakne státaði sig af því, við hvern sem heyra vildi, að hún væri betri vefari en Aþena og þegar Aþena frétti af því þá skoraði hún á Arakne í vefnaðarkeppni. Ófú þær hvor um sig dásamlegar myndir en þegar Aþena sá fegurðina í vefnaði Arakne varð hún afbrýðisöm og í braði sinni breytti hún Arakne í kónguló þannig að örlog hennar urðu að vefa vefinn sinn á myrkum stöðum til eilífðarnóns. Gríská orðið fyrir kónguló er arakhne og Arachnida er latínuheitið fyrir yfirflokk áttfætna, þannig lifir goðsagan áfram í orðnotkuninni. Sambærileg goðsaga er til af Mínervu og Arakne í rómverskum goðsögum. Í norrænni goðafræði er Frigg gyðja vefnaðar en hún var kona Óðins og oft talin æðst gyðja. Valkyrjurnar í norrænni goðafræði vefa örlagavef og eina þekktustu lýsingu á því hlutverki þeirra „að kjósa val og ráða vígum“ er að finna í Darráarljóðum Brennu-Njáls sögu.

Vefnaður var afar mikilvægur í árþúsundir og lítið hefði verið um siglingar heimsálfu á milli ef ekki hefði verið ofið. Landnámsmenn og konur hefðu ekki komist hingað til lands nema á víkingaskipunum en hvert skip hafði ca 70 – 80 fermetra stór segl. Seglin voru ofin úr ull og hör, þó aðallega úr ull hér á norðlægum slóðum. Fyrst var þráðurinn spunninn, en talið er að þurft hafi ullanreyfi af 200 – 300 kindum í eitt segl en togð var nær eingöngu notað í þau. Það hefur tekið eina vefkonu nokkur ár að spinna og vefa eitt segl en sennilegast er þó að vefnaður hafi verið stóriða fyrr á öldum og ofið hafi verið í mörgum vefstöðum þannig að vinna mætti seglin á styrtíma. Einnig var allur fatnaður, innst sem yst, meira og minna ofinn í vefstað, seinna vefstóli, því ferð yfir hafið hefur verið óhugsandi án hlýs fatnaðar.



Vaðmálsprúfa í eigu Textílmáðstöðvar Íslands.
Ljósmynd: Cornelia Theimer Gardella



Oddavaðmálsprúfa í eigu Textílmáðstöðvar Íslands. Ljósmynd: Cornelia Theimer Gardella

Lárett og skilin stigin með fótunum og því er mjög fljótlegt að vefa, í gamla vefstaðnum er uppistaðan aftur á móti strengd lóðárett og skilin dregin fram með höndnum, ekki ósvipað og gert er í lóðárettum myndvefnaðarstól. Íslenskar konur sáu að mestu leyti um tóvinnum, spuna og vefnað í þessu merkilega vinnutæki í hartinær 1000 ár og voru þannig ábyrgar fyrir stórum hluta af gjaldeyrisöflun Íslendinga en frá 900 og fram yfir 1300 voru vaðmál og vararfeldir eða röggvarfeldir löglegur gjaldmiðill á Íslandi og máttu þeir greiða landaura í Noregi í vaðmáli og feldum, auk silfurs. Það er því mikilvægt fyrir okkur Íslendinga að halda til haga þessari merku sögu- og tækniþekkingu er varðar vefnað bæði í vefstað og vefstóli sem er órjúfanleg búsetu okkar hér á hjara veraldar.

¹ Sjá Wayland Barber, Elizabeth, 1994:240–241.

² Sjá Soroka, Joanne, 2011:11.

³ Jón Böðvarsson 2002:281–284



Kljásteinavefstaður í Noregi þar sem verið er að vefa litla röggvarfelli eða vararfelli á námskeiði árið 2013.

Ljósmynd: Ragnheiður Björk Þórssdóttir



Íslenskur trissuvefstóll frá fyrrri hluta 20. aldar.
Ljósmynd: Hrefna Harðardóttir



Fréttabréf

VITAFÉLAGIÐ

íslensk strændmenning

1. tbl 2021

Ágæti lesandi

Þá erum við komin á fulla siglingu á nýju ári, en starf okkar á því síðasta litaðist af heimsfaraldrinum eins og hjá öllum öðrum. Á haustmánuðum hóf stjórnin, af mikilli bjartsýni að skipuleggja málþing um allt land. Tilefnið var tilnefning suðbyrðingsins á heimsminjaskrá UNESCO.

Búið er að skipuleggja þessi málþing og verður loksins hægt að fara af stað með þau nú í apríl. Við byrjum á Akureyri og Siglufirði og höldum svo til Eskifjarðar. Með haustinu bætast síðan við Vestmannaeyjar, Stykkishólmur og Flateyri, þar sem einnig verður námskeið í smiði suðbyrtra báta. Af ofangreindum ástæðum hefur starf félagsins því ekki verið mikilíð síðustu misserin, en stjórnin hefur þó ekki alveg setið auðum höndum eins og fyrr segir. Það er búið að funda heilmikið, sækja um styrki og spá og spekúlera. Á aðalfundi félagsins sem haldinn verður 17. apríl munum við bera upp til samþykktar tillögur til lagabreytinga sem fylgja blaðinu. Þær eru fyrst og fremst gerðar til að við getum orðið aðilar að SAMÚT og þannig aukið enn frekar samstarf með öðrum, fengið meira vægi og jafnvel átt talsmenn í nefndum og vinnuhópum á vegum hins opinbera.

Í lagi félagsins stendur:

Markmið félagsins eru að:

- auka áhuga og þekkingu á vitum og öðrum menningarminjum við strendur landsins;
- stuðla að verndun vita og strandminja sem mikilvægum hluta af menningararfí þjóðarinnar;
- stuðla að fjölbreytilegri notkun vitans og annarra strandminja sem samrýmist verndun og sögu viðkomandi staðar;
- koma á samvinnu við minjasöfn og aðrar opinberar stofnanir;

Þetta erum við svo sannarlega að gera í okkar starfi ásamt því að vinna með innlendum og norrænum félögum og stofnum í sama málaflokk. Þessa grein viljum við útvikka og verða þær tillögur bornar upp á fundinum.

Nú sem aldrei fyrr þurfum við á því að halda að koma saman eftir allar þær hömlur sem við höfum búið við og fá að taka þátt í málefnum sem brenna á okkur. Við hvetjum félagsmenn til að taka þátt í starfinu með okkur og hafa skoðun á því hvaða mál það eru sem við eiga að leggja áherslu á í framtíðinni; hver þemu verða á fræðslufundum vetrarins, í verkefnum og fl. Tökum höndum saman og vekjum fólk til umhugsunar um þau málefni sem við erum að vinna að, virkjum til þátttöku þá sem eru í kringum okkur, fjölgum félagsmönnum í félaginu. Með tilnefningu suðbyrðingsins á heimsminjaskrá sjáum við að það skiptir málí að varðeita, viðhalda og færa komandi kynslóðum þekkingu á sögu og hefðum. Verum meðvituð um að strandmenningin er einn mikilvægasti hornsteinn íslenskrar menningar og hefjum hana til vegs og þeirrar virðingar sem henni ber.

Linda María Ásgeirs dóttir og Sigurbjörg Árnadóttir

Vinsamlegast munið að greiða félagsgjöldin

„HÉR RERI HANN AFI Á ÁRABÁT ...“

- Helga Hallbergsdóttir, sagnfræðingur

Vestmannaeyjar hafa allt frá landnámi byggt lífsafkomu sína á sjónum, sem bæði gefur og tekur. Þangað má líka rekja menningararfinn, hvort sem vísað er til ápreifanlegra minja svo sem mannvirkja, húsa og báta eða þess sem óápreifanlegra er; verkmennung, sögur, tónlist og mannlíf í sinni viðustu mynd. Matið hvað eigi að varðveita er alltaf gildishlaðið og breytist oft eftir tíðaranda, aldri og bakgrunni einstaklinga, sem gerir alla skráningu minja mjög mikilvæga.

Árabátaútgerð Eyjamanna fyrr á öldum var nokkuð sundurleit. Skipin voru flest smíðuð uppi á landi og síðan endurbyggð og stækkuð eftir að til Eyja kom. Undantekning var Gideon og Ísak, skip smíðuð af Þorkeli Jónssyni á Ljótarstöðum í Landeyjum, en þar þótti ekkert umbætandi. EKKI vantaði áhuga eða færni til að ráðast í frumsíðar hér heldur var það aðallega skortur á nothæfu efni til skipasmíða. Lagið á gömlu Vestmannaeyjaskipunum var mismunandi en þau voru öll mjög skábyrt og því breið. Þau þóttu stöðug og afburðagöð en þung í setningu.

Í lok 19. aldar fóru margir Vestmannaeyingar til sumarróðra á Austfjörðum og kynntust þar Færeyingum og báturnum með færeysku lagi, sem þóttu bæði liprari og hráðskreiðari. Á fáum árum voru keyptir 40 – 50 sexæringer frá Færejum auk þess sem færeyski bátasmiðurinn Jakob á Biskupsstöð (1867-1964) var fenginn til starfa í Vestmannaeyjum 1901-1903. Jakob sameinaði í skipum sínum gamla Eyjalagið og það færeyska og reyndust skipin að öllu leyti miklu léttari í meðförum en gömlu vertíðarskipin.



Áttæringurinn Farsæll með Landeyjalagi.

Áttæringurinn Farsæll er einn af elstu báturnum landsins og segja má að hann komist einna næst vertíðarskipum árabátaaldarinnar. Farsæll var smíðaður árið 1872 af Tómasi bónda Jónssyni, Arnarholí í Landeyjum og er því friðaður. Skrokklag er Landeyjalag og smíðlag er skarsúð. Um aldamótin 2000 var Farsæll talinn einn merkasti safngripur Byggðasafns Vestmannaeyja. Eftir nokkrar hremmingar var honum vorið 2019 komið í hús á jarðhæð Þekkingarseturs Vestmannaeyja og meðhöndlaður eftir leiðbeiningum fagmanna. Verkefnið var styrkt bæði af Vestmannaeyjabæ og Safnaráði. Þar er hann nú til sýnis, enn einn af merkari munum safnsins, stoltur fulltrúi árabátaaldarinnar og minnir jafnframt á þann aðbúnað sem sjómenn lifðu við á fyrrí tímum.

Þegar fyrstu vélbátnir fóru að koma til Eyja var hafist handa við að smíða slíka báta undir Skiphellum og urðu þeir um 70 talsins. Meðal frumkvöldla má telja Ástgeir Guðmundsson frá Litlabæ sem smíðaði a.m.k. 12 súðbyrðinga á arunum 1906-1918 og Danann Jens Andersen sem smíðaði sex slíka í Skildinganesfjöru 1913-1916. Bræðurnir Magnús, Guðmundur, Gunnar Marel og Þórður Jónssynir voru líka afkastamiklir bátasmiðir og fleiri mætti telja.

Bátafloti Eyjamanna hefur tekið miklum breytingum og heimamenn löngu hættir að vera samkeppnisfærir í smíði þeirra á heimaslöð. Eftir stendur sagan um útsjónarsemi og stórhug forfeðranna sem báru gæfu til að sækja þekkingu þangað sem hana var að finna, hvort sem það var í Landeyjar, til Austfjarða, Danmerkur eða Færeysja. Á þeim menningararfari hefur bæjarfélagið byggst upp og er nú eitt af stærstu útgerðarplássum landsins.



Úr Sagnheimum: Súðbyrður skjögtbátur smíðaður af Ólafi Ástgeirssyni 1949

Einn af þekktari Vestmannaeyingum er sonur Ólafss Ástgeirssonar bátasmiðs, Ástgeir Ólafsson eða Ási í Bæ, trillusjómaður, texta- og lagasmiður, vísnasöngvari og rithöfundur. Við smábátaþöfnina í Eyjum má sjá stytta Áka Grænz af Ása, með vænan þorsk. Hér má setjast á trébekk og hlusta á Ása segja sögur og raula kvæðin sín sem m.a. fjalla um „afa sem reri á árabát“ og „ömmu sem aflann úr fjörunni dró“.



Ási í Bæ og höfundur greinarinnar

HVERGI MEIRI ERLEND ÁHRIF EN Á AUSTFJÖRÐUM

- Smári Geirsson, kennari

Fram eftir 19. öldinni var sjávarútvegur á Austfjörðum einungis í smáum stíl og ekki var vitað til þess að fólk þar hafi haft lifibrauð sitt af fiskveiðum. Reyndar benda heimildir til að Austfirðingar hafi lagt stund á sjávarútveg af nokkru kappi fram undir 1720 en þá hafi tekið fyrir fiskgengd á þau grunnmið sem sótt var á og ríkti ördeyða á þeim í áratugi þótt erlendar duggur ófluðu vel á miðum djúpt út af Austfjörðum.



Þegar Bjarni Sæmundsson fiskifræðingur ferðaðist um Austfirði árið 1898 segir hann að nú séu Austfirðingar farnir að stunda fiskveiðar af krafti en fram undir 1870 hafi takmarkað verið róið til fiskjar og einungis verið aflað til heimilisþarfa og til að selja sveitamönnum sem bjuggu inn til landsins. Eftir 1870 hafi Austfirðingar byrjað að salta fisk til útflutnings og þá hafi útgerðin tekið að eflast. Bjarni getur þess að þorskeiðar Færeyinga og síldveiðar Norðmanna við Austfirði hafi haft mikil áhrif á sjávarútveg í landshlutum og sé hann með útlendara sniði en annars staðar á landinu. Átti það við um bátana sem róið var á og einnig veiðarfærin. Austfirðingar hófu að nota lóðir (línur) í meira mæli en gert var í öðrum landshlutum og þeir hrifust svo af erlendum bánum að bátar með hinu gamla austfirska lagi hurfu úr sögunni á undraskómmum tíma. Einkum voru það bátar með færeysku lagi sem leystu gömlu austfirska bátana af hólmi og voru þeir yfirleitt nefndir „færeyingar.“ Almennt töldu Austfirðingar færeysku bátana taka sínum gömlu bátum fram og voru meginkostirnir einkum tveir; þeir voru léttari í setningu og liprari í róðri. Þá þóttu færeysku bátarnir rennilegri og fallegrir.

Færeyingar hófu að sækja á fiskimið við Austfirði árið 1871, en höfðu þó gert árangurslitlar tilraunir til þess áður. Í upphafi komu Færeyingar á pilskipum sínum og lögðu þeim við festar inni á fjörðunum. Síðan var róið á róðrabátum, svonefndum dorum, frá þeim og aflanum skipað um borð í pilskipið til vinnslu. Pilskipin voru því móðurskip en ekki nýtt til veiða. Ófluðu Færeyingarnir vel og sigldu skipin gjarnan á brott fullhlæðin

því fór fjarri að Austfirðingar fögnuðu Færeyingunum og hófu þegar á árinu 1875 að beita sér fyrir því að lög yrðu sett sem takmörkuðu veiðar þeirra. Að því kom að Alþingi heimilaði Austfirðingum að gera samþykktrum veiðar á heimamiðum. Voru þær gerðar á árunum 1879-1881 og fer ekki á milli mála að í þeim voru ákvæði sem beint var gegn veiðum Færeyinganna.

Um og upp úr 1875 hófu færeysku fiskimennirnir á Austfjörðum að „fara til lands“ eins og þeir nefndu það. Þá fluttu þeir báta sína með færeyskum skútum eða póstsíkum til Austfjarða, leigðu aðstöðu í landi og hófu sjórðra þaðan. Þá hófu þeir einnig að selja íslenskum kaupmönnum fiskinn sem þeir ófluðu. Venjulega komu færeysku sjómennirnir til landsins í maímaðuði og lögðu stund á róðra fram í september. Útróðramennirnir færeysku reru viða frá Austfjörðum þar sem hagstætt var að sækja á árabátum.

Algengt var að Færeyingarnir seldu heimamönnum báta sína þegar þeir héldu heim að vertíð lokinni og kæmu síðan með nyja báta á næstu vertíði. Eins þekktist að Austfirðingar létu smíða fyrir sig báta í Færejum. Sagan segir að Joen Peter Eliassen, sem reri frá Vattarnesi í 37 vertíðir, hafi flutt 57 „færeyinga“ til Íslands og aðrir Færeyingar munu hafa flutt fjölmarga báta til landsins.

Vinsældir færeysku bátanna á Austfjörðum leiddu til þess að austfirska bátasmiðir hófu að smíða slíka báta. Einnig má geta þess að færeyski bátasmiðurinn Jakob Biskupsstöð dvaldi í Neskaupstað hjá dóttur sinni á arunum 1948 og 1949 og smíðaði 12 báta á meðan á dvölinni stóð og hóf smíði á þeim þrettán. Áður en Jakob Biskupsstöð heimsótti dóttur sína á Íslandi hafði hann smíðað fjölda báta í Færejum fyrir Austfirðinga og eins kom hann til Vestmannaeyja og starfaði þar sumarlangt við bátasmiðar á arunum 1901-1903 og að auki um tíma árið 1911. Talið er að þessi þekkti færeyski bátasmiður hafi smíðað yfir eitt þúsund báta á starfsævinni.



Árið 1867 hófu Norðmenn síldveiðar á Austfjörðum. Á næstu árum fylgði norsku síldveiðiflögunum mikið og auk þess að veiða silfur hafsins í fjörðunum eystra var síldin elt til Norðurlands og jafnvel vestur árið. Veiðarnar voru fyrst og fremst stundaðar með landnótum og eins var veitt í lagnet. Mikinn búnað þurfti til landnótaveiðanna, bæði veiðarfæri og báta- og skipakost. Venjulega tilheyrdi 21 maður hverju nótalagi og hafði hvert nótalag fjórar nætur, sú stærsta venjulega 160-170 faðma löng. Þessi veiðibúnaður var miklu umfangsmeiri en Austfirðingar höfðu áður kynnst og fylgust þeir með veiðunum af mikilli athygli.

Í fyrstu var ekkert sem hindraði Norðmennina í að leggja stund á þessar veiðar en árið 1871 voru sett lög sem gerðu þeim skyld að greiða 4% aflaverðmætis í landshlut. Þá þurftu þeir sem vildu veiða innan íslenskrar landhelgi að vera íslenskir ríkisborgarar og var forsvarsmönnum norsku síldveiðifelaganna gert kleift að kaupa sérstök síldarborgarabréf.

Norsku nótalögunum fylgða jafnt og þétt og urðu þau flest árið 1883 eða 92 talsins. Nokkur austfirska verslunar- og útgerðarfyrirtæki höfðu bolmagn til að festa kaup á þeim búnaði sem tilheyrdi nótalagi og hófu síldveiðar í fjörðunum. Þá settust norskir síldveiðimenn að á Austfjörðum og héldu áfram síldveiðum þar fram á 20. öldina.

Hér skal þessari stuttu umfjöllun um erlend áhrif á fiskveiðar Austfirðinga á síðari hluta 19. aldar og fram á 20. öldina látið lokið. Ekkert fer á milli mála að það voru veiðar Færeyinga og Norðmanna sem fengu Austfirðinga til að líta á fiskveiðar sem sjálftstæðan atvinnuveg en áður töldu menn í rauninni landbúnað vera einu atvinnugreinina sem unnt væri að byggja trygga lífsafkomu á.